

36202

文
762
912
部¹² =



中国国家图书馆
NATIONAL LIBRARY OF CHINA

師竹廬聯話卷三

錫山拙翁寶鎮編輯

祠廟上

維揚史忠正公可法祠內聯語極多向推京口巖間樵太史所撰句云生有自來文信國死而後已武鄉侯尤爲膾炙人口毘陵送子觀音殿聯云我費盡慈悲心抱孩贈汝你多行方便事積德保他口吻恰肖某處送子殿有人作偶語懸於龕柱句云我把此送將來那分別朱門蓬戶你好生收了去養成箇孝子賢孫有勸善意金陵痘司神廟香火稱盛迨經癸丑兵燹久未修理湘鄉曾相國總督兩江時其幼孫患痘甚劇有客請禱於此及病旣愈大興



中国国家图书馆
NATIONAL LIBRARY OF CHINA

土木殿宇壯麗相國令門下士擬匾對俱不稱意乃自作楹語曰
種痘本前因願眾生無災無晦散花拈妙諦惟我佛能發能收額
以仙露明珠於是執筆者咸歎服

河南許州有武廟塑關聖立馬橫刀狀曹操手捧錦袍立於側楹
懸對云瀟橋自古有行人問誰立馬頻年留芳不朽曹魏於今無
故物差幸綈袍相贈遺像猶存昔有友人述蜀中關廟對其句爲
主玄德友翼德讐孟德生解州輔豫州歿荊州吾邑關帝廟丁植
卿孝廉題聯云乃聖乃武乃文孔門未見此剛者不淫不移不屈
孟子所謂大丈夫筆力雄健

金陵淮湘水軍昭忠祠楹語無甚佳者惟彭雪琴宮保玉麈一聯
頗壯悲壯用之於水軍尤宜句云江淮河漢浪駭濤驚三千里掃
蕩縱橫君等能當天事矢石戈矛血飛肉薄十六年忠貞節烈
國殤惟有楚人多饗堂外樓臺亭閣極多其楹帖匾額俱僧人月
潭所著橫翠山房聯云與石訂交奇不厭有梅作伴冷何妨來青
樓聯云隔岸鶯啼春草綠捲簾魚咬落花紅香雪亭有萬劫不磨
一片石孤亭好納六朝山之句晚香館有人來曲徑疏籬外秋在
輕煙細雨中之句皆名貴可誦

石鐘山湘軍昭忠祠曾滌生相國撰楹帖云巨石咽江聲長鳴今
古英雄恨崇祠昭偉烈永奠湖湘子弟魂蘇州吳縣石修撰韞玉
自作墓門聯曰有地在心不求風水好無田亦祭只要子孫賢吾

自竹廬題詩 卷三
三
邑至德祠在惠山寺右乾隆三十年知縣吳鉞暨裔孫培源等購
煉石閣基址奉檄建並祀仲雍季札庚申兵燹屋宇損傷同治間
修葺裔孫吳芻青廣文汝渤作楹語曰三讓溯家風凡在宗盟自
應顧名思義四年淪劫火重新廟貌聊以啟後承先張義士止齋
先生祠在寺門內某君撰偶語懸於祠門旁云膽繼汾陽單騎靖
虎狼餘孽功高廣野片言拯城社生靈孫大宗伯祠在寺塘涇楹
懸對云一疏植綱常歸里洵能爭去就萬言陳利弊立朝真不愧
科名係梁山舟學士手筆

吾邑梨花莊都天廟俗稱茈白廟相傳神爲漢博望侯張騫凡痧
痘之事皆禱焉甚著靈異丁植卿孝廉撰楹語曰葡萄夏熟苜蓿

秋高緣何今日人間偏司疹癘菰米沉雲梨花湧雪爲問當年塞
上有此風光語語典切儻風流惠山張睢陽廟亦有丁孝廉聯
云天地風塵古廟丹青經幾劫江淮俎豆空山鼠雀亦千秋其左
有東嶽廟地址毗連內以門爲界啟門卽能通行走俗稱東嶽爲
聖帝香火極盛丁公亦有聯云帝出乎震聖而神與造化參霖雨
能教天下遍峻極於天高惟嶽爲靈祇冠峯巒豈獨丈人尊又秦
研樵封翁聯云聖不可知之謂神化化生惠澤誕敷下土帝出
乎震而宗岱明明赫赫威靈徧被東方俱自然

蜀中諸葛武侯廟額曰丞相祠堂楹懸偶語云義膽忠肝六經以
外惟二表託孤寄命三代而還只一人不知何人所作貼切渾成

前竹廬聯語 卷三
佳製也少陵草堂陸放翁配享有集句聯云錦里先生爲老伴玉
霄散吏是頭銜湖南洞庭君祠左文襄公宗棠少年時應禮部試
北上舟經其地登岸瞻玩題聯於饗堂云迢遙旅路三千我原過
客管領重湖八百君亦書生意態雄傑卽此可見

惠山寺左舊有明周文襄忱專祠正統中知縣談清建萬厯中并
祀海忠介瑞繼因二泉亭側之周孔教祠廢邑人移主附入康熙
六十年增祀湯文正斌道光二十六年以革除現年弊政又增祀
李文恭星沅稱五中丞祠庚申兵燹後修葺饗堂煥然一新應敏
齋廉訪寶時撰楹聯懸於龕云四百年來五開府九龍山下一祠
堂簡括明淨

河南汝州關廟浙江德清之商人以爲公所歲丙辰德清俞蔭甫
編修行部至此其鄉人乞題一聯句云廟貌徧塵寰此間地接許
昌請看魏國山河徒留荒草輶車遵汝水使者家居茗霽願與故
鄉父老同拜靈旗安徽新安之汪村水口亦有關廟其廟并祀張
睢陽上有文昌閣俞編修撰聯懸其楹曰威名滿華夏眞義士眞
忠臣若論千載神交合與睢陽同俎豆戎服讀春秋亦英雄亦儒
雅試認九霄正氣常隨奎壁煥光芒以三神合寫亦覺渾成

邯鄲盧生廟毘陵周伯恬先生撰聯云六國戰爭餘看寶馬名倡
重來故道一餐榮辱定歎黃塵宦海苦戀殘年末句意因西林相
國等多有楹語故隱刺之吾鄉蓉湖尖財神廟楹帖云財源萬斛

奔騰有如此水神惠八方廣被也視其人魁星閣聯云握管持金
顯示我功名高下張牙睜目隱怪他文字平庸華元化祖師殿龕
旁懸偶語曰頭可劈臂可痊妙用兩般醫國手書不傳方不滅總
留一點活人心又東亭鎮諸葛大王廟有大業蜀都扶漢帝舊交
鄰社協徐君之句時新塘橋有徐庶大王廟故言鄰社舊交此四
聯俱孫勗三茂才顯所撰

浙江省城新建羅壯節王貞介兩公祠高滋園都轉撰楹帖懸於
饗堂句云由名進士起家爲名臣一開府一開藩浙東西崇德報
功人與白蘇共千古是大丈夫出身臨大節以死戰以死守城內
外矢窮援絕天教巡遠作雙忠壯節名遵殿乙未進士浙江巡撫
貞介名友端丁未進士署浙江布政使同死庚申之難者也吳中
有二程子祠兵燹後新修恩竹樵方伯作聯曰後尼山千五百年
篤生兩先生闢邪說辨異端道統天開正所以下啟紫陽上承鄒
嶧環蘇臺數十萬戶過此一瞻拜黜浮華崇實學士風日起庶不
媿言游故里泰伯遺封用意貼切僮儻不羣

京口淮陰侯祠薛衡瞻太守司鐸鎮江時作聯云江山第一國士
無雙殊覺渾成四字對無過此者吾邑淮湘昭忠祠在惠山寺內
割寺之大雄殿大悲閣等址爲之祀淮湘諸軍克復江蘇陣亡將
士以程忠烈公學啟居首同治四年建施叔愚廣文時在李文忠
公幕中代公作聯云將士用命臣豈有力焉是享是宜聖代卽今



多雨露精魂何依吾爲之歸也以妥以侑故鄉無此好湖山用成信
語恰切且合少荃相國口吻錢子諒觀察亦撰對懸於饗堂句云
酣戰復名城夜壑呼松好似前軍驅虜敵殊勲畀吾土寒泉薦菊
愧無從事紀功碑邇年來添設李文忠木位居首以程公改爲次
而稱淮軍昭忠祠焉

惠山至德祠吳平齋廉訪雲著聯云草昧造三吳自南河陽城箕
山以來天錫此土豆登延百世立君臣父子兄弟之極民無能名
顧洞陽公可久祠其裔孫響泉廉訪集成語作楹帖曰奮百世下
頑廉懦立環兩山間泉甘土肥許文懿公祠亦在惠麓孫勗三茂
才撰楹語云早歲掇科名召對時爲治數言不負傳家有經學實
心維國是紹興間論奸一牘縱然解組戀君恩落落大方不染時
習又陸忠宣公祠有陸映山明經聯云唐代兩朝賢宰相孔門一
脈大儒宗亦鬻喬皇典麗

蘇州財神廟潘玉泉觀察題聯云生財有大道則拳拳服膺仁是
也義是也富哉言乎至足矣君子無所爭故源源而來孰與之天
與之神之格思如此夫集四書語頗自然西湖孤山亦有財神廟
某君遊此撰偶語曰梅鶴洗酸寒且教逋老揚眉葛仙生色鶯花
添富麗恰稱金牛湖上寶石山邊就西湖發揮便覺貼切虞山俞
省齋撰魁星閣一聯云不衫不履居然名士風流只因醜陋形骸
幾湮沒了胸中錦繡能屈能伸自是英雄本色可惜崢嶸頭角誰



識你的筆底珠璣此聯之妙妙在雙關并借此以鳴不平蓋文章
憎命詩賦窮人可爲失聲一哭

常州孟河蔣氏支祠落成乞俞蔭甫編脩撰聯云淵源溯漢代侯
封縱盛名馬服交推蔣徑清風傳自遠祠宇法文公家禮况宸翰
龍章寵錫孟河喬木仰彌高光緒六年慈禧皇太后有疾詔徵天
下精醫術者馬培之亦與焉比歸命南書房翰林書務存精要四
字賜之遇亦榮矣然馬君實蔣氏在漢世有封丘亭侯者其始祖
也某地有朱孝子祠俞編修亦有聯云有愛子市飴無愛親市飴
小節尋常萬口咨嗟稱大孝兒爲母昇輿婦爲姑昇輿高年安樂
八騶傳唱總浮榮孝子名高字兆光香山人母病廢與妻陳以竹
椅昇之周行家術又因母嗜飴逢市集每躬往購之市者曰吾鬻
此三十年但見人購以啖兒女未聞以奉母也一市嗟歎蘇州閭
門外呂仙祠盛旭人觀察題偶語云小築仙居是當年寶劍藏精
故地廣爲善舉體先生金丹濟世婆心祠中間供奉呂仙其餘屋
又爲公所衆商人醵資爲善舉者於此會集焉

張勤果公曜撫東時以好客聞客之窮乏者咸隆館餼日費不資
及卒身後蕭然畧無長物猶虧帑若干然東人感其德澤及人思
之不衰建祠於明湖畔中有小閣供公攝影長與人等儼如生漚
陽趙菁衫觀察撰楹聯云橫海東西無處不聞齊仲父大江南北
有人曾夢漢桓侯相傳其太夫人夢桓侯而生公故末句云然吾



北鄉八士橋過玉書孝廉建張睢陽廟以向帥榮配享於左龕張帥國樑配享於右龕名曰三忠臣祠許伯謙茂才撰楹帖云同死以報君更何分唐代蓋臣熙朝上將仗孤軍而殺賊恨未得願函安史手刃洪楊運用得勢侷儻不羣

北里郡城隍行宮卽漢紀信廟丁植卿孝廉撰楹語曰勲績邁韓彭逝水前朝尙憶纛車乘黃屋威靈鎮金錫好山對面更無簫鼓賽烏江延壽司殿亦稱斗宮植卿孝廉有聯云分野紀疇人揆揚壁府奎文蔭茲吳會幽宗隆秩祀調燮箕風畢雨惠我黎元又青城大王廟柱聯云白水遶圩鄉尙祈滌潦無災曰陽恆若青城崇里社安得催科不擾有吏皆循亦丁作

石門高氏祠堂落成高滋園都轉撰楹帖云卜宅晉元興石門秋色桃塢春風聚九華秀氣絳延累代簪纓後裔至今懷祖澤溯源齊公族穀熟分支姑蘇別派守百禩清芬崇奉不祧俎豆先祠終古傍魁峰高氏出齊公族由穀熟遷姑蘇晉元興時又由蘇遷池州其地在九華山西南曰魁峰曰石門曰桃塢皆其地蓋據高氏譜而縷言之故甚詳也海甯觀音殿俞蔭甫編脩因寺僧乞題爲撰一聯云八面現金容看一出人間便消劫運十方瞻寶相願大家心上各發慈悲同治二年浙西半陷賊中忽於海甯北門內民間屋壁得八面觀音銅像一尊不知何年所鑄因供奉焉而是年官軍卽將浙西依次肅清蓋慈容見而劫運消非偶然也

德清烏山土地廟重脩落成俞蔭甫編脩題偶語云耕而食鑿而飲相傳中古遺風尙留村社春有祈秋有報願與故鄉父老同拜神旗德清烏巾山之陽有土穀祠相傳謂堯皇土地不知何義然長興有堯市山一統志云堯時洪水民避難於此成市則堯皇蹟亦無怪也其廟之戲臺成俞編脩亦有聯云借絲竹傳山水清音里社歌謠新樂府與父老話昇平盛事歲時伏臘古臨溪隨筆寫出恰能渾成

杭州吳山新建倉頡祠吳康甫大令屬人撰聯懸於柱云上溯羲皇畫八卦時文字權輿秦而篆漢而隸任後來縑素流傳不外六書體例高踞吳山第一峯頂川原環抱江爲襟湖爲帶看從此菁華大起振興兩浙人材此祠前臨浙江後枕西湖形勢殊勝洵佳境也吾邑北門外天后宮丁植卿孝廉著楹帖云水附地而行配夫天位業冠百靈以上兌於女爲少俟我后感通周四海而遙都城隍廟花廳某君作偶語云解滎澤圍忠純漢室錫梁溪福祀匹睢陽其戲臺有聯云一曲迎神如聽滎陽鼙鼓四年淪劫重瞻原廟衣冠亦可孝廉手筆

成都關聖廟懸聯云孔夫子關夫子萬世兩夫子修春秋讀春秋千古一春秋頗覺渾成左文襄題常德關廟聯曰史策幾千年未
有上繼文宣大聖下開武穆孤忠浩氣常存樹終古彝倫師表地方數百里之間西連漢壽舊封東接益陽故壘英風宛在想當年



戎馬關山王湘綺題江南武聖廟聯曰杯酒斬顏良河北英雄齋喪膽單刀會魯肅江南名士盡低頭有氣勢

山東曲阜孔聖廟柱有偶語云覺世牖民詩書易象春秋永垂道法出類拔萃河海泰山麟鳳莫喻聖人某地有孟子廟懸集句聯云入則孝出則弟守先王之道以待學者仰不愧俯不怍得天下英才而教育之又蘇君開泰撰楹帖云由義居仁傳堯舜禹湯文武周孔之道知言養氣充惻隱羞惡恭敬是非之心蘇君又有聯云舍伯夷之清伊尹之任柳下之和願學孔子能富貴不淫貧賤不移威武不屈此謂丈夫江甯縣孔廟懸脩其天爵教以人倫一聯於二門某地施子祠有聯云其地與廉子祠並壽名山水木湛

清華孔教文明思高弟本朝有靖海侯立功異島雲祔多才俊夏風孱弱望強宗施子孔門弟子名之常字子恆魯人也

漢中大禹祠楊齋甫先生撰楹帖云原隰甸南山湖八載神功如見巨靈開太華祠堂宏東漢看千秋順軌流將明德過瀟湘南京禹王宮客座石門袁少枚尙寅題聯云君山茶澧浦蘭武陵桃花土物似言故鄉好鍾阜樹秦淮月莫愁烟雨風雲尙覺此堂雄韓城禹廟王樵也題聯曰東龍門西夔門行地喜安瀾歷數勝游疏鑿千年懷禹蹟左晉嶺右秦嶺極天撐峭壁中分兩界別開一線走河流某地倉聖廟聯云張旭何顛狂仗吃三杯酒亂塗幾點鴉也在字中稱草聖李斯亦妄誕擅變六書通強分八體法敢於篆



外廢古文聞是德陽彭大俠手筆

近聞友人言富春嚴子陵祠有長聯云一件蓑衣骯髒那朝中黻
黻你有你的四海我有我的千秋天下已定老子何必官耶本
友義不君臣只可把富春山長讓與先生垂釣兩支夢腳驚動了
上界星辰尊莫尊者帝王高莫高者道德此才弗用寡人以爲過
矣望巖灘却思商皓縱然算豁達度能屈他漁父同牀光緒甲辰
余由蘭溪回錫舟經釣臺下停泊時尙早偕程彝仲登岸眺玩見
碑亭碑勒漢嚴子陵先生釣臺宋謝臯羽先生西臺歷石階十餘
級入巖祠享堂塑先生像供正龕以范文正歐陽文忠謝臯羽等
四人祀東西龕其右客星樓均多占碣半係前明已剝蝕堂中
懸聯四一戴君槃所撰之惟巢由乃可與並駕微光武不能成其
高一吾鄉章定安孝廉鈞所題之大漢千古先生一人一某君所
著之釣者不在魚也先生其猶龍乎一某君所作之中興天子友
清節後人師而友人口述者獨未見焉

白帝城昭烈廟懸楹帖云正統千秋尙有紫陽綱目託孤數語常
留白帝城頭成都昭烈墓石柱上有聯云天府古益州劇憐五丈
荒原出師遺恨終巴蜀漢家舊陵寢贏得三分正統望帝歸魂拜
杜鵑嘉興王君蒨昀題橫州大灘馬伏波將軍廟聯云廟貌壯河
山想見將軍猶矍鑠江聲流日夜往來旅客總平安某地鄭北海
祠饗堂懸偶語曰六藝折中身教爲言教四民矜式經師卽人師

係金岱峯廣文所撰社公廟聯云春日本陽和看紫燕頻來有幾
許比鄰王謝是翁真豐鑠願黃冠早返儘與他晚景桑榆作者未
知洞庭西山包天君廟曹茂才銓撰楹句云梁室湖華宗陶丘肇
錫侯封玉冊金符隋史千秋曾列傳吳民食舊德包鼈常留廟貌
雲車風旆具區萬頃此棲神考隋書神諱賜爲梁武帝玄孫仕隋
愆衛尉卿祕書監封陶丘侯廟在太湖中洞庭西山香火特盛
浙江定海成仁祠乾隆甲戌知縣莊綸渭作楹帖云碧海映丹心
民到於今稱大節青山埋白骨我來此處弔孤忠光緒甲辰祠屋
重脩知廳事楊志濂撰偶語云殷有三仁焉矧萬衆同歸更烈於
箕子辱比干死海外一島耳荷九天褒錄何讓乎漢田橫宋崖山
司獄莫踰制作長聯懸於柱云臣死君子死父妻死夫卑幼死長
上都計有萬八千人可謂烈矣嵇之血嚴之頭顏之舌文山之正
氣以此殿二十四史宜其祀焉管帶定防礮臺黎玉泉題楹帖云
諸大夫報國盡忠了結朱家殘局後君子登山弔古牽連姚令投
池經修董事孫詒謀孫爾瓚撰長聯云殉節以勝朝爲最葬同穴
祭同堂當年慷慨捐軀想碧血橫流丹心長照好官自常郡而來
繆事前莊事後今日繼承芳躅喜山光依舊廟貌重新後龕供女
位邑人武聯達題楹句云莫謂小朝廷投井先聞宮壺許多奇女
子入祠不讓鬚眉俱穩切

潮州韓文公祠江湘嵐撰偶語云豈惟潮人士敬戴先生誠開衛



山之雲威戢鱷魚之暴宜與朱紫陽並崇謚號道原二氏之謬文
起八代之衰某廟合祀文武二帝享堂懸楹帖云爲蜀人爲蜀臣
同是西方之聖號文帝號武帝尊於南面而王陳州太昊陵有聯
曰剖造物之精永垂爻象開生民之利共樂佃漁雲南鶴慶魯班
祠黃梅峯題聯曰化工無工入斯門休輕弄斧成器不器似此老
方許斲輪六安汪啟英先生題關帝殿聯云附聖人末光猛將佳
兒同萬古得夫子正氣寶刀駿馬亦千秋關帝像旁塑有關平勒
馬及周倉持刀像

永嘉華蓋山下有東甌王廟規制闕麗爲一邑冠温州軍政分府
徐定超題偶語云公本以王業肇基自昔馨香明德遠我曾在是
邦守土若論功罪疚心多某地華陀殿懸楹帖云愧當代以醫名
未能與奸雄破腹穿胸把他心腸易換慨沈疴非藥治願各從平
日修身積善默邀神鬼扶持相傳元化乩筆周孝侯廟有楹句云
生爲名將死作良醫方知射虎斬蛟總歸仁術人起沈疴天開壽
域豈有奇方秘藥全仗神靈係家曉湘孝廉撰蓉湖尖鄒氏宗祠
落成家曉湘於其樓上題聯曰到此奉蒸嘗其毋忘遺澤道鄉傳
家義行於今重締構期不負環村碧水排闥青山蔣萬里撰孔子
廟聯曰天主耶穌希臘老氏釋迦諸教總不越孔教範罔黃種文
明天再造君臣父子夫婦昆弟朋友五倫獨於是立人倫規則素
王道德曰當中惠山高忠憲公祠願響泉廉訪光旭作偶語懸於

饗堂句云君子無所爭立綱常扶名教大臣不可辱感天地泣鬼神
神言簡意賅佳構也族後裔子鳴茂才鼎業有聯云道統足千秋
泗水淵源佑啟東林開後學家基延一脈其城德澤光昭南渡守
先型西南鄉萬頃堂旁項王廟華紫垂茂才袞題楹帖云道陪名
士登臨佳序恰逢寒食節恐弔霸王遺迹餘威猶震拔山歌聞友
言丁植卿孝廉撰忠節祠聯云神之格思生爲英死爲靈正氣當
存浩劫歷庚辛壬癸鬼言歸也弋於山釣於水故鄉可樂同堂聯
橘柚槐榆歷年祭祠未見蓋作而未鐫板也

師竹廬聯話卷三終

師竹廬聯話卷四

錫山拙翁寶鎮編輯

祠廟下

浙江嘉善武帝廟婺源江湘嵐大令作偶語云此何地哉溯郡分
吳會縣析魏塘久無尺寸屬孫曹惟公浩氣常留膺累代崇封咸
仰上儀侔帝制神來格矣看雲擁靈旗雷轟天鼓猶是聲威震華
夏爾日海氛多惡願降魔伏寇俾知中國有聖人又作聯云靈鍾
泰岱曰山西聖人下則爲河嶽上則爲日星沛塞蒼冥浩然天地
有正氣義結桃園第齊東野語君視如手足臣視如腹心力扶漢
祚明乎春秋無二王頗有氣勢

合肥包孝肅祠裴君曉閣撰楹帖云不愧讀書人移孝作忠想見
正色數言永敦國本是真閻羅老看花載酒安得開顏一笑重
河清某地余忠宣公祠李君丙榮題偶語於其饗堂云臣死忠子
死孝妻妾死義更戚屬僚佐士民卒伍感恩從殉者且二千人有
奇軼事邁古今直合晉卞壺唐張巡明黃觀諸賢臨難遺徽並作
一時血性國有謚史有傳都邑有墳况縉紳先生野老田夫垂涕
而道之閱五百年未艾大名光宇宙好借清水塘風節井正氣樓
幾處流芳勝蹟永存萬世綱常風節井爲忠宣夫人及女殉義處
清水塘爲忠宣殉義處正氣樓在忠宣祠左

江陰縣城內有張睢陽廟地與江蘇學政節署相近黃漱蘭侍郎
體芳督蘇學時嘗捐廉俸葺而新之因於楹柱題兩聯其一曰無
餉又無援臨淮張樂彭城擁兵嘆偏隅坐困將才自古英雄千眾
忌能文斯能武操筆成章誦書應口幸試院近依公廟至今靈爽
膺諸生其二曰男兒死耳復奚言若論唐室功臣四百戰勲勞豈
輸郭李父老談之猶動色敢籲揚州都督億萬年魂魄永奠江淮
安徽旌德縣雙忠廟柱懸偶語云扼安慶緒首尾援師使神京再
造靈武中興廿六人抗節孤城保障勲勞高李郭與顏常山後先
殉國自贊皇辨誣昌黎論定千百載表忠雙廟馨香俎豆徧江淮
江華農手筆也

成都武侯廟懸楹帖云三分天下四川地六出祁山五丈原又某

君有聯曰臣木布衣一生謹慎君真名士萬古雲霄蕭玉衡題重
慶丞相祠堂聯曰政成民已和伯仲之間見伊呂江流石不轉風
雲常爲護儲胥沔縣在成都北十餘里有諸葛武侯祠楊蘇甫作
偶句云三足鼎安在哉我來尋丞相遺踪賸沔水湯湯流千古恨
五大洲多事矣誰能挽先生復起奮天威赫赫攻百蠻心楊君又
題定軍山武侯墓一聯句云天所廢誰能興追念龍驤虎視未了
臣心恐弔那禁碑下淚神之來不可度聞道風馬雲旂猶寒賊膽
英靈常護沔陽人沔縣古名沔陽洪楊之亂羣賊欲陷沔城夜見
神兵蔽山賊膽寒遂引去丞相臨終自言欲葬定軍山後主從之
擇吉自送靈柩至定軍山安葬

某地秦伯廟吳君鴻昌題聯曰上德不德希蹤巢父抗節子臧是
名教完人三讓高風殊卓絕求仁得仁介弟仲雍裔孫季札更後
先濟美雙江流澤卜靈長湘潭吳劭之代蕭玉衡於屈子祠撰楹
帖云痛飲讀離騷放開今古才人膽狂歌弔湘水照見江潭漁父
心又代陳培心題一聯句云風雨誦離騷香火升龕薦芳草水軍
喧競渡樓船載酒酌先生祠爲水師所建

焦山關帝廟賈君鏞作楹帖云此吳山第一峯也問曹家橫槩英
雄而今安在去漢代二千年矣數當日大江人物不朽者誰頗能
動目江南駐馬坡諸葛武侯祠有聯云慕綸巾羽扇風流俎豆維
新比之西蜀祠堂南陽廬舍冠鍾阜石城名勝江山依舊渺矣吳

宮花草晉代衣冠上庸陳桐階題張桓侯墓聯曰君知劉豫州平
畧分言情似說生能助臂身是張翼德也成仁取義可憐死不歸
元成都錦屏山之東子龍趙將軍墓石柱鐫聯曰以此一身膽曾
當百萬兵千秋草木餘生氣奠公數杯酒試問三分國幾個英雄
得壽終子龍以病終時年七十五六京口三義閣懸偶句云若傳
粉若塗朱若點漆誰謂心之不同如其面忽朋友忽兄弟忽君臣
信乎聖不可知之謂神語亦奇

慈利田東溪先生撰楹帖懸於女媧宮曰以神祿配皇煌帝諦之
尊道在人倫不使衣冠淪異族繼太昊俾天柱地維無恙世留廟
祀猶餘伏臘走村翁陳君桐階題神農廟云后稷善承先以稼穡
教民配天合紀司農績許行空好古持饗殮立說入世徒爲噉飯
人錢君夢鯨題藥王廟聯云要知治病先嘗藥不是神人莫作醫
江濱廟有聯云蕩蕩乎民無能名通地脈靈江淮河漢是也滔滔
者天下皆是以水德王蛟龍魚鼈生焉作者未知

某地項王廟有聯曰天意欲興劉到此英雄難用武人心猶慕項
至今父老尙稱王吾邑西南鄉萬頃堂旁古項王廟懸楊君壽楣
聯云拔地山雄舊跡猶留霸王廟平湖浪靜名區近接美人崖惠
麓錢武肅王祠懸楹帖云兩間浩氣常存吳越謳思猶有南代金
書遺澤在一念精誠所感山川震撼爰攜北關鐵弩射潮回鄰近
有司馬溫公祠其後裔屬余撰偶語勉應之句云宋代名臣史修

通鑑功在國德在民勲猷綿百世孔宮配享祠建惠山行其禮奏
其樂俎豆永千秋城中新街巷竇諫議祠祀五代周太常寺少卿
燕山公禹鈞饗堂懸先大父俊三公撰楹帖云德澤溯漁陽歷
八代子孫共守義方遺訓宗支分錫麓傳五百年耕讀常敦古處
餘風又子昂從叔祖聯云禮義廉恥是爲四維當思無忝祖考士
農工商各執一業便非不肖子孫又張得天先生聯曰此地有佳
山水善人多賢子孫佳山水指庭中假山小沼而言饗堂之北昔
年有屋數進頗寬厥并有亭榭池石花木諸勝經兵燹尙未建復
聞舊時歐舫中懸春園棣萼圖曾叔祖蘊和公入祠飲福於歐舫
南平從曾叔祖感諸兄均沒作聯云開夜宴於春園當年棣萼芳
菲歌詠欣隨康樂展舊圖於歐舫此日椿庭殂謝箕裘端賴仲容
末句有勗勉兩姪意

大梁有孟子廟曰游梁祠沈春祥題楹帖云千里而來何必曰利
亦有仁義而已矣百世之下莫不興起况於親炙之者乎相傳沈
亦古時之詩人也杭州城內東南隅候潮門之城樓旁有王壯愨
公祠中堂懸偶語云正氣作河嶽日星赤手支天張許忠貞同一
轍死守到析骸易子捐軀報國岳于名節共千秋語頗慷壯西湖
邊岳廟彭雪琴宮保玉麈撰長聯云史筆炳丹書真耶僞耶莫問
那十二金牌七百年志士仁人更何等悲歌感泣墓門淒碧草是
也非也看跪此一雙頑鐵千萬世奸臣賊婦受幾多惡報陰誅又

曾國霖撰七言聯云一代精忠起河嶽千秋生氣重湖山又吳廷樞樓題聯曰王業竟偏安歎息北征將士精忠獨報國傷心南渡君臣皆能慷慨激昂而貼切岳王也

浙江台州府之東湖有樵子祠相傳爲明初故老一日擔柴過湖濱聞成祖登極建文走死之信大號一聲曰三綱絕矣棄擔於地投湖而死鄉人至今祀之私謚忠逸有陳某撰一聯云千古泯姓名忠而爲逸一肩擔道義夫豈真樵臺灣鄭成功廟懸楹帖云由秀才封王主持半壁舊山河爲天下讀書人頓增顏色驅外夷出境自闢千秋新世界願中國有志人再鼓雄風令人誦之不禁雄心勃勃許仙屏中丞振偉督學陝西過馬嵬題貴妃祠堂聯曰龍武軍變起倉皇畢竟蛾眉能殉國蠶叢道塵飛散漫誰將鴛錦賦歸魂意切詞麤

衡山王船山祠毘陵洪稚存編修亮吉撰楹帖云慟哭西臺當年航海君臣知己惟餘瞿相國羈栖南岳此後名山著作同心猶有顧亭林有友人述此愛而錄之湖北鸚鵡洲對面丹楫蟻陳足供觀覽其鄰近有魯肅墓題聯甚多以張文襄所作爲佳句云聯蜀拒曹乃公一生學問舍奸去詐則吾十年用心觀此知墓與聯可並傳矣江津禹王廟懸某君所作偶語云岳牧無才唐虞不免憂饑溺岷嶓旣藝飲食宜思孝鬼神吾家後門向北十餘步有古三皇廟正殿塑伏羲神農黃帝三像龕懸楊君春灝撰句云欲與乾

坤彌缺陷爲憐億兆立方書石柱鐫華君慶雲偶語云百草療民
疴立德立功補飲食宮室衣裳之未備萬年崇祀典乃神乃聖先
堯舜禹湯文武而開基貼切渾成

陝西留侯祠清苑樊蔭蓀題楹帖云雖云山林宜人那須過客登
臨祇談風月况值國家多難不有先生勲業莫學神仙紫柏山留
侯祠楊蘇甫先生撰偶句云以三寸舌爲帝師帷幄贊襄是前代
阜伊之亞出一編書授孺子淵源付託開漢廷黃老之宗此祠有
精室三楹窗外瀑布高懸景致絕佳楊君又題聯云客夢好憑流
水浣鷄鳴或有老人來又集唐句成聯曰泉源在庭戶世界接人
天浙江平望平波臺元真子祠有某君所著楹帖云泛鏡水千塍
歸來餐菰飯蕪羹地真仙境聽棹歌一曲隨處有荻花楓葉我亦
漁人筆意瀟灑可喜

某地城隍廟懸集四書聯云德之不脩吾以汝爲死矣過而不改
子亦來見我乎集句極自然凡神廟對最忌腐氣吾邑城隍廟在
直河之西三皇街兵燹後大興土木鳩工重葺裴浩亭邑尊大中
撰偶語鐫於石柱云殿宇重新欣逢年穀豐登賴有衆擎成此舉
閭閻未復自愧簿書冗雜願邀神佑福斯民朱念椿孝廉鳳銜作
聯懸於大堂云古有云有心爲善雖善不賞無心爲惡雖惡不罰
特察隱微施彰彈今乃知有心爲善惟善必賞無心爲惡惟惡必
罰須從戒勉進功夫龕旁有嘉善夏曰濟所作聯云慎勿以善小



而不爲慎勿以惡小而偶爲刻刻留神積久終邀福報過出於無
心則可恕過出於有心則難恕時時在念此生庶免陰誅其後爲
二堂屏門鐫劉繼增補書邵涵初舊句云匪神之靈匪機之微總
是人心感召爲善必昌爲惡必滅實由天理昭彰其旁有張寶誠
所題楹帖云爾心暗昧難明邪盜奸淫恍若撫衷無愧我却含糊
不得刀鋸斧鉞還當摩厲以須柱掛王金路書偶句云但憑你無
法無天到此孽鏡高懸還有膽否須知我能寬能恕且把屠刀放
下回轉頭來又有陸鴻遠書聯曰殿宇慶重新復屹然武聖祠邊
古皇廟畔神靈欣其戴也猶是召遺棠蔭潘種桃花三堂龕懸聯
曰寢成孔安幾番經始民攻共祝高明悠久神具醉止一樣自公
退食於茲游息藏修此係龔子達明經撰其右花廳許伯謙茂才
題楹帖云璇室近瑤臺檻外欵寄米顛石輞川入惠麓畫中雅麗
右丞詩廳之前後有假山花木故云然

杭州林典史祠懸偶語云大節匹閻公取義成仁青史從今尊縣
尉忠魂依處士補梅招鶴孤山終古屬林家又聯云上下五百年
處士忠臣各今古迴環三十里于祠鄂廟共湖山祠在孤山林和
靖墓側金陵上元縣署中程明道先生祠林文忠公題聯云愛物
爲心一命於人亦有濟得民以道千秋斯統不虛傳讀此聯語便
知文忠一生行事氣節矣按程灝宋時人字伯淳著定性書與太
極圖說相表裏闡聖學之秘及卒文彥博題其墓曰明道先生云

上庸陳桐喈題張桓侯廟楹句云邵寒膽見其武顏戴頭感其風
恩非暴武維桓不暴而桓千古偉人有光漢族蜀爲君事以忠魏
爲賊討以義義入神忠愛國惟神在國萬家香火宜配關侯蜀中
張桓侯廟懸偶句云春雨樓桑無限落花悲帝子秋風劍閣有人
灑淚弔將軍涿州有張桓侯祠某君題聯曰井里猶存一旅旌旗
先翊漢樓桑未遠千秋魂魄尙依劉俱妥切

福州白石山戚公祠郭兆昌撰楹帖云功德在民百世祀可也所
望一靈不泯城郭猶是四方來觀者免教再過爲墟又聯云忍教
此地爲戎片石護存完我責正值中原多故長城宛在緬公靈白
石山風景殊佳有醉石亭爲明戚總兵繼光破倭飲至策勲時所
建三百年來鞠爲茂草數年前幾爲媚外者盜賣歲丁巳邑人呈
請官廳爭回重修是亭亭左建戚公祠煥然一新某邑文信國祠
懸偶語云下爲河嶽上爲日星崖山千古文山千古孔曰成仁孟
曰取義相國一人信國一人泰州海安鎮文信國祠某君題楹句
云海道昔曾經蝦子灣頭一葉扁舟支半壁祠堂今重建鳳凰山
下千秋詞客弔孤忠甌江有文丞相祠楊子萱撰聯云英靈咽怒
潮遺廟低徊南渡後羈旅哀荒嶼殘疆捨攘北歸時甌江中孤嶼
育廟祀宋文丞相因丞相於德祐二年浮海至溫留宿嶼中中川
寺有題壁詩一首至今尙存也

如皋關帝廟鄭伯屏大令撰偶語云有半點生死交情方許入廟

謁帝無一毫光明心迹何須稽首焚香漢口關帝廟夏孝廉力俊
題聯曰漢室在心漢水在目惟爾有神光大漢江南者吳江北者
魏何人雪涕對晴江秦淮海先生祠在錫城鳳光橋東斜橋西頭
門有聯云辰未聯科雙鼎甲高元接武十詞林饗堂懸裔孫寶瓚
所著楹帖云肩隨坡老手拍涪翁一代文章發光怪派合洞庭支
綿錫麓千秋俎豆嗣馨香又裘孝廉廷梁聯云望重蘇門歎古來
震旦生才多罹黨禍魂歸璨嶺看後世名流接武大振宗風懸
聯云貽厥孫謀曰氣節曰道德曰文章赫赫典型垂宇宙繩其祖
武爲宦望爲孝友爲隱逸煌煌史乘是箕裘侯孝廉煒手筆

錫山麓張中丞廟祀唐御史中丞巡施叔愚廣文撰楹帖云將有
南雷偏不幸功歸李郭孰開先秦禹臣君作偶語云城存與存城
亡與亡四百戰嚼齒裂背浩氣直吞逆賊將識士心士識將意三
千人羅雀掘鼠殊功獨障江淮俱激昂慷慨鄰近有楊節母祠其
孫壽芝茂才著楹聯云兼絕畫書詩克儉克勤教子課孫四十載
齊名貞孝烈以妥以侑春禱秋嘗千百年香花橋節婦祠有楹帖
云飲葉茹荼當年母節秋嘗春禱此日君恩可謂要言不煩繡幃
街范文正公祠祀宋參知政事贈太師魏國公仲淹柱有聯曰萬
笏朝天開百世子孫支派九龍匝地拱千秋丞相祠堂未知作者
姓名又有聯云務條開閣忠著垂簾才裕甲兵學敦名教溯賢相
於汴都徽猷鮮匹祀列孔庭像留羌俗祠崇蘇泮澤永海隄衍支



中国国家图书馆
NATIONAL LIBRARY OF CHINA

流於患難佑啟方長係先大父俊三公撰書

四川武侯廟懸偶語云此老不工畫不善書不精雜詩壓倒蜀吳
魏中幾多僞士其人可託孤可寄命可臨大節算來夏商周後一
箇純臣揚州史公墓裔孫史樸題聯曰家國兩封書壯明代三百
年江山之色衣冠一坏土增溧陽五十世俎豆之光吾邑自雍正
四年分縣後創建金匱縣城隍廟俗稱新城隍廟在城東弓河之
上數年前駐某軍隊近又改爲棧會所有昔懸楹聯飛向九霄雲
外矣憶婺源齊梅麓太守宰吾邑時撰楹帖云百里共分猷尙祈
時雨時陽保茲黎庶九峯常毓秀安得好人好事如此溪山又丁
植卿孝廉作花廳聯曰半弓地僻園亭勝六箭河環花木深又許
伯謙茂才荷亭聯曰人盡著杏子衫輕納涼邀月我尤愛荷花香
滿把酒臨風俱工切有味

湖北武昌王武愍公祠落成達人名流贈楹帖者甚多採十之二
侯官郭遠堂中丞柏蔭題偶語云身旣爲楚官職宜守楚土入城
一日慷慨捐軀想當時喬梓相依碧血淒涼埋碧草殉隨陶文節
祀並胡文忠立廟三楹輝煌曠典幸從此英靈永妥丹心凜烈亘
丹青日照丁心齋觀察守存撰聯曰四載申名城三陷如公賁非
守土義重身輕臣道克終不愧聖廟崇廟饗一門內大節雙垂似
此志切執戈父忠子孝天心式鑒應留賢季振家聲永康胡月樵
觀察鳳丹作楹句云單騎蒞圍城安與存危與亡兩字綱常爭一

死殺身完大節子殉父僕殉主千秋江漢咽雙流安陸李竹垞
博守礮題聯云久要不忘平生之言有守有爲臨難毋苟免敢問
何謂浩然之氣惟忠惟孝殺身以成仁惠麓寺塘涇武愍公祠楹
語亦多因限篇幅就尤動目者錄之楊鶴秋學博儁作偶句云讀
書當不負所學今世真罕有此人丁植卿孝廉培題楹帖云地鄰
景逸祠堂與先賢曠代論交子孝臣忠同臻極軌門對紫陽書院
溯平日高山仰止孔仁孟義不負初心又有聯云回思少年結客
之時許爲文苑許爲儒林詎終爲氣節完人一死其佳兒碧血不
隨江漢逝疊荷聖代褒忠之典予以易名予以任子更重以馨香
故里千秋同執友丹心長與日星昭秦淡如觀察湘業撰又聯曰
抗志殉危城如顏常山張睢陽矢心不二易名邀曠典與鄒壯節
李剛烈鼎足而三朱西山太史福基手筆

蕪湖有宋先生祠柱懸一長聯係和滁廣太兵備道李觀察所題
句云人第一詩第二醫第三處士丰標今世少縱使形骸委化靈
氣必常存九泉下猶戀雲山應教永建墓前祠主張池館少喪父
壯喪妻老喪子生平樂事到君窮惟餘知舊傷懷失聲齊痛哭五
倫中尙有朋友忍不代謀身後計辜負泉臺宋宇秋蒸爲當時老
名士尤邃於醫歿之日行篋蕭條著作散亂皖撫裕公及李皆其
契友出資爲之營葬並建祠於墓前足見前人之重友誼誠所謂
道義之交有非泛泛者比至聯語之懇摯猶餘事也

金陵城中諸葛武侯祠薛懋農山長撰楹帖云青山繞郭宜龍臥
翠柏參天有鶴來對仗工切又題神龕聯曰三分割據紆籌策萬
里笙歌醉太平集句渾成巧不可借吾邑南門外南水仙廟祀明
知縣松滋王侯其勤邵吟泉明府撰偶語云築城禦寇履畝清糧
到今我邑士民皆受君賜頌德建祠報功立廟安得此邦父母盡
似侯賢邑宰朱公子庚見此聯踴躍者再又薛又洲太守玉堂著
楹句云億萬姓蹈德詠仁鑿斯池也築斯城也三百年畏神服教
尸而祝之社而祭之此嘉慶初松滋三百歲冥壽所懸事雖俚俗
而用成語極自然惠山寺塘涇歙州助教江公祠有先大父俊三
公撰聯云北宋湖名儒錦堂山下蒸嘗舊東林扶正學高子祠旁
俎豆新其對河薛中丞祠祀副都御史薛公福辰應懸李文忠鴻
章楹帖云烏府紀殊恩宸翰迎來雙鳳闕赤畿留異績祠銘高並
九龍山又翁文恭同龢聯云仰京兆尹之風裁無愧神羊秋隼是
儒林傳中人物漫云扁鵲倉公饗堂有偶語云文筆峯高當天心
之中正惠泉源遠卜地脈兮靈長歸安沈秉成撰

太湖濱花神廟武進唐駝題聯云春色鬪燕支天教萬紫千紅都
歸主宰濤聲吼鼉渚地勝十洲三島合住神仙意切而句工寶善
橋旁寺塘涇昔有九峯禪院同治十年就其基址建忠節祠祀咸
豐庚申殉難士女及邑紳殉難於他省者大廳有侯君映奎題楹
句云當仁不讓見義必爲剛大塞兩間何慚禴祀烝嘗典立祠報

功建坊崇德馨香昭百世永奠忠貞節烈魂又有無欵楹句云聚
千百族於一堂毅魄忠魂同垂不朽願萬億年無此劫山高水遠
其樂昇平享堂神龕懸偶語云正氣秉日星河嶽豹皮共顯馬革
長埋忠義重千秋大丈夫當如此矣隆儀邀禴祀烝嘗鳳闕承恩
龍山作鎮馨香昭百世古名將何以加茲係曾文正公國藩撰桂
懸聯曰報國捐軀扶名教植綱常盡是一鄉傑士仰天矢志厲冰
霜貫日月永推千古完人未刊作者姓名嗟夫粵匪作亂蹂躪十
三省被焚戮者不能以數計其慘毒爲古今罕聞也

師竹廬聯話卷四終





中国国家图书馆
NATIONAL LIBRARY OF CHINA